

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD MOSTAR
GRADONAČELNIK**

Broj: 02-11-2366/26

Mostar, 11. februar 2026. godine

Na osnovu člana 44. Zakona o lokalnoj samoupravi („Službene novine Hercegovačko-neretvanskog kantona“ broj: 4/00), člana 43. Statuta Grada Mostara („Gradski službeni glasnik Grada Mostara“ broj: 4/04 i „Službeni glasnik Grada Mostara“ broj: 8/09 i 15/10), Odluke o raspodjeli i dodjeli sredstava utvrđenih Budžetom Federacije BiH za 2025. godinu Vladi Federacije BiH na poziciji „Tekući transferi drugim nivoima vlasti i fondovima - Finansijska pomoć za gradove i općine za sanaciju šteta uzrokovanih poplavama“ („Službene novine Federacije BiH“ broj: 77/25) i člana 1. Ugovora o namjenskom korištenju dodijeljenih sredstava broj: 05-11-1770/25 od 23.10.2025. godine potpisanog između Vlade Federacije Bosne i Hercegovine-Generalni sekretarijat Vlade Federacije Bosne i Hercegovine i Grada Mostara Gradonačelnik Grada Mostara r a s p i s u j e

**JAVNI POZIV
ZA PODNOŠENJE PRIJAVA ZA DODJELU SREDSTAVA FIZIČKIM LICIMA ZA
SANACIJU MATERIJALNIH ŠTETA UZROKOVANIH POPLAVAMA NA
PODRUČJU GRADA MOSTARA NASTALIH 04.10.2024. GODINE**

I PREDMET JAVNOG POZIVA

Predmet javnog poziva je dodjela finansijskih sredstava fizičkim licima u svrhu saniranja posljedica materijalne štete na građevinskim objektima (stambeni objekti, vikend objekti, namještaj i oprema) i motornim vozilima, uzrokovanih poplavama na području Grada Mostara (MZ Drežnica) u skladu sa Elaboratom o procijenjenoj šteti nastaloj 4.10.2024. godine od poplava, odrona i nanosa i izmjenama Elaborata (u daljem tekstu: Elaborat).

II PRAVO NA PODNOŠENJE PRIJAVE

U skladu sa članom 1. Ugovora potpisanog između Vlade Federacije Bosne i Hercegovine-Generalni sekretarijat Vlade Federacije Bosne i Hercegovine i Grada Mostara, a na prijedlog Komisije za praćenje aktivnosti na sanaciji šteta nastalih u oktobru 2024. godine na području MZ Drežnica na javni poziv mogu se prijaviti fizička lica, koja ispunjavaju sljedeće uslove:

- a) Da su pretrpjeli direktnu štetu na građevinskim objektima (stambeni objekti, vikend objekti, namještaj i oprema),
- b) Da su pretrpjeli direktnu štetu na motornim vozilima,
- c) Da je procjenu štete izvršila Komisija za procjenu šteta Grada Mostara i da je ista utvrđena u Elaboratu,

- d) Da nisu dobili pomoć, koja je dovoljna za saniranje štete, koje su predmet javnog poziva od drugih nivoa vlasti, organizacija, udruženja, i drugih pravnih i fizičkih lica

III FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju ovog javnog poziva iznosi 250.000,00 KM.

IV NAMJENA I CILJ

Prihvatljive su samo aktivnosti čiji je cilj saniranje šteta na građevinskim objektima (stambeni objekti, vikend objekti, namještaj i oprema) i motornim vozilima, koje su nastale kao posljedica prirodne nesreće, u skladu sa Elaboratom, koji je usvojilo Gradsko vijeće Grada Mostara.

V DOKUMENTACIJA I NAČIN PODNOŠENJA PRIJAVE

Prijave na javni poziv dostavljaju se putem pošte ili lično na protokol Gradske uprave Grada Mostara.

Aplikanti su dužni popuniti prijavni obrazac, koji se nalazi u prilogu ovog javnog poziva i uz njega dostaviti sljedeću dokumentaciju:

- potpisanu i ovjerenu izjavu o namjeri namjenskog utrošku sredstava i obavezi pravdanja namjenskog utroška sredstava (izjava se nalazi u prilogu Javnog poziva),
- potpisanu i ovjerenu izjavu da je primio/nije primio pomoć od drugih nivoa vlasti, organizacija, udruženja, pravnih i fizičkih lica koja je dovoljna za saniranje štete (izjave se nalaze u prilogu Javnog poziva),
- potpisanu i ovjerenu izjavu da je zakonski posjednik građevinskog objekta za koji se traži pomoć za sanaciju (izjava se nalazi u prilogu Javnog poziva),
- vlasnički list za motorno vozilo,
- potvrda o broju transakcijskog računa fizičkog lica.

Svi dokumenti moraju biti dostavljeni u originalu ili ovjerenj kopiji.

U okviru ovog Javnog poziva, od daljnjeg razmatranja bit će odbačene sljedeće prijave:

- prijave podnosilaca čija šteta nije evidentirana u Elaboratu;
- prijave koje se ne odnose na predmet ovog Javnog poziva;
- prijave podnosilaca koji su već ostvarili naknadu u punom iznosu procijenjene štete u Elaboratu;
- prijave koje su neblagovremene i koje ne sadrže potpunu i propisanu dokumentaciju.

Prijave na javni poziv podnose se u koverti sa naznačenim imenom i prezimenom podnosioca na adresu:

GRAD MOSTAR,
Adema Buća broj 19, 88 000 Mostar
Sa naznakom
'PRIJAVA NA „JAVNI POZIV
ZA PODNOŠENJE PRIJAVA ZA DODJELU SREDSTAVA FIZIČKIM LICIMA ZA
SANACIJU MATERIJALNIH ŠTETA UZROKOVANIH POPLAVAMA NA
PODRUČJU GRADA MOSTARA NASTALIH 04.10.2024. GODINE''
(NE OTVARAJ!)

VI ROK ZA PODNOŠENJE PRIJAVE

Krajnji rok za podnošenje prijave je 15 dana od dana objave Javnog poziva na web stranici Grada Mostara.

VII KRITERIJI ZA VREDNOVANJE PRIJAVA

Prijava na Javni poziv vrednovat će se na osnovu sljedećih kriterija:

- a) visina iznosa procijenjene štete, koje su predmet javnog poziva, a koja je evidentirana u Elaboratu o procijenjenoj šteti koji je usvojilo Gradsko vijeće Grada Mostara,
- b) visina primljene pomoći za sanaciju šteta koje su predmet javnog poziva od drugih nivoa vlasti, osiguranja, organizacija, udruženja i drugih pravnih i fizičkih lica.

Ukupno odobreni iznos sredstava za dodjelu pomoći fizičkim licima utvrđen je Odlukom Gradonačelnika broj 02-11-2004/26 od 4.2.2026. godine i iznosi 250.000,00 KM.

Pojedinačni novčani iznosi pomoći utvrđivat će se na način da se od ukupno procijenjene štete svakog prijavljenog aplikanta oduzme iznos ranije odobrene i isplaćene pomoći koju su aplikanti ostvarili od Grada Mostara i drugih donatora.

Na osnovu tako utvrđenog preostalog iznosa potrebnog za namirenje cjelokupne štete, odredit će se procent za jednaku raspodjelu raspoloživih sredstava.

Pri tome, ukupno odobrena pomoć, zajedno s ranije dodijeljenim sredstvima, ne smije preći iznos štete utvrđene u Elaboratu.

VIII KOMISIJA

- (1) Gradonačelnik imenuje Komisiju za provođenje javnog poziva koja razmatra pristigle prijave.
- (2) Komisija za provedbu javnog poziva će na osnovu Pravilnika o dodjeli pomoći sačiniti preliminarnu listu korisnika.
- (3) Preliminarna lista će biti objavljena na zvaničnoj web stranici i oglasnoj ploči Grada Mostara zbog ulaganja prigovora u roku od 5 (pet) dana od dana objave preliminarne liste.
- (4) Prigovor se podnosi drugostepenoj Komisiji za provedbu javnog poziva putem protokola Gradske uprave.

IX IZBOR KORISNIKA FINANSIJSKIH SREDSTVA

- (1) Izbor korisnika sredstava vrši se u skladu Pravilnikom o dodjeli pomoći i kriterijima iz javnog poziva.
- (2) Gradska uprava Mostar zadržava pravo odbiti prijavu ako utvrdi da je podnositelj prijave u postupku prijave dao lažne ili netačne podatke. Nakon donošenja odluke o dodjeli sredstava, korisnik sredstava sklapa ugovor o dodjeli finansijskih sredstava sa davaocem sredstava, kojim se obavezuje na namjensko trošenje istih.
- (3) Potpisivanjem Ugovora, korisnik sredstava prihvata dodijeljena finansijska sredstva i obavezuje se da će ih koristiti transparentno, zakonito i isključivo u namjenske svrhe, u skladu sa odredbama ovog javnog poziva i Ugovora.

X MODALITET ZA PRAĆENJE NAMJENSKOG TROŠENJA DODJELJENIH SREDSTAVA

Namjenskim utroškom sredstava će se smatrati utrošak sredstava, koji se može dovesti u direktnu vezu sa svrhom dodijeljenih sredstava i isti će predstavljati prihvatljive troškove.

Prihvatljivi troškovi koji se odnose na sanaciju šteta koje su predmet javnog poziva se priznaju za period od dana nastanka stanja prirodne nesreće uzrokovane poplavama i klizištima na području Grada Mostara do 31.10.2026. godine.

Korisnik sredstava se obavezuje da će Gradu Mostaru dostaviti Izvještaj o namjenskom utrošku sredstava, sa pratećom dokumentacijom do 30.11.2026. godine.

Korisnik sredstava će uz izvještaj o namjenskom utrošku sredstava dostaviti dokumentaciju kojom dokazuju namjenski utrošak sredstava i to originale ili ovjerene kopije dokumentacije, na osnovu koje je izvršeno plaćanje (fakture i fiskalni računi) i izvodi iz banke kao dokaz o uplati.

XI OSTALE ODREDBE

U slučaju utvrđivanja nenamjenskog korištenja dodijeljenih sredstava ili neispunjavanja ugovorenih obaveza, korisnik sredstava je obavezan da u roku od 15 dana izvrši povrat neutrošenih, odnosno nenamjenski utrošenih sredstava.


GRADONAČELNIK
Mario Kordić
dr.sc. **Mario Kordić**

DOSTAVITI:

1. Gradonačelnik
2. Web stranica Grada Mostara
3. Oglasna ploča
4. Službi za civilnu zaštitu i vatrogastvo
5. a/a